

Mid-Day Dogri News Bulletin, 03rd June 2024

समे – 12:25

<><><><><><>

LS Votes Counting

लोकसभा चुनाव 2024 के वोटों की गिनतरी कल होगी। एहदे इलावा कल गै आंध्रप्रदेश के ओडिशा च होए के विधानसभा चुनाव के किश होर विधानसभाएं के उप-चुनाएं के वोटों की गिनतरी भी कीती जाग। वोटों की गिनतरी का काम बडलै 8 बजे शुरू होगे ते एहदे रूझान के नतीजे कन्नो-कन्नी चुनाव आयोग की वेबसाइट results.eci.gov.in के इलावा वोटर हैल्पलाइन ऐप पर भी उपलब्ध होंगन। वोटर हैल्पलाइन ऐप की गूगल प्ले स्टोर जां ऐपल प्ले स्टोर परा भी डाउनलोड कीता जाई सकदा ऐ। आयोग नै रिटर्निंग अफसरें के काउंटिंग एजेंटें लेई इक बुकलेट भी जारी कीती ऐ जेहड़ी इसै वेबसाइट पर उपलब्ध ऐ। आयोग नै दस्सेआ ऐ जे वोटों की गिनतरी के प्रबंधन, प्रक्रिया, ईवीएम के वीवीपीएटी के रक्ख-रखास लेई लोडचदे निर्देश के नियम बगैरा भी वेबसाइट पर उपलब्ध रक्खे का ऐ।

<><><><><><>

JK Votes Counting

लोकसभा चुनाव के नतीजे घोषित होने च हुन जिसलै शड़ा इक ध्याड़ा रेही गेदा ऐ, समूलके जम्मू कश्मीर च भी वोटों की गिनतरी लेई सबै इंतजाम करी लैते गेदे न। जम्मू कश्मीर दिएं कुल 5 लोकसभा सीटें के वोटों की गिनतरी लेई कुल 9 मतगणना केन्द्र बनाए गेदे न। एहदे इलावा जम्मू कश्मीर के वोटों की गिनतरी लेई इक काउंटिंग सेंटर दिल्ली च भी बनाया गेदा ऐ जित्थें बारामुला, श्रीनगर के अनंतनाग-राजौरी लोकसभा सीटें लेई कश्मीरी माइग्रेटें के वोटों की गिनतरी कीती जाग। अधिकारिक जानकारी मूजब मतगणना आले केन्द्रें पर सुरक्षा के काउंटिंग स्टाफ की तैनाती सनें सारे बंदोबस्त करी लैते गेदे न। जम्मू कश्मीर दिएं 5एं लोकसभा सीटें पर कुल मलाइयै रिकार्ड 58.46 प्रतिशत मतदान दर्ज कीता गेआ ऐ जेहदा पिछले 35एं बरें च सब्बने शा मता ऐ। कश्मीर घाटी दिएं त्रै संसदी सीटें लेई 50.86 फीसदी मतदान दर्ज कीता गेआ ऐ। 2019 च कश्मीर दिएं संसदी सीटें लेई छड़ा 19.16 फीसदी मतदान होआ हा के इस बारी एहदे च तकरीबन 30 फीसदी बाददा दर्ज कीता गेआ ऐ।

<><><><><><>

Kathua Counting Centre

डोडा-कठुआ-उधमपुर लोकसभा हल्के लेई वोटें दी गिनतरी कल 4 जून गी सरकारी डिग्री कालेज कठुआ च कीती जाग जेहदे लेई सुरक्षा सनें लोडचदे सबै जरूरी बंदोबस्त कीते जा'रदे न। कठुआ दे एसएसपी अनायत अली चौधरी हुंदी दिक्ख-रिक्ख च डिग्री कालेज दे अंदर ते आले दुआले दे इलाके च सुरक्षा बंदोबस्त निग्गर करी दित्ते गेदे न ते इस सारी प्रक्रिया गी पूरी चाल्ली सुरक्षत ते बवस्था आले ढंगै सिर तोड़ चाढ़ने लेई झूठे-मूठे दा भ्यास यानि मॉक ड्रिल्ल दा सरिस्ता बी कीता गेआ।



JK Pulwama Encounter

दक्खनी कश्मीर दे पुलवामा जिले दे नेहामा इलाके च अज्ज बड्डलै सुरक्षाबले ते आतंकिएं बश्कार टाक्करा भखी पेआ। पुलसै मूजब इलाके च आतंकवादिएं दी मजूदगी बारे थहोई दी पक्की सूह पर कारवाई करदे होई पुलस, फौज ते सीआरपीएफ दी इक सांझी टीमै कारवाई करदे होई घेराबंदी करियै तपाशी अभियान चलाया। उआं सुरक्षाबले दी एह सांझी टीम जिसलै संदिग्ध थाहर बक्खी बधा'रदी ही, तां उत्थे छप्पे दे आतंकवादिएं उंदे पर गोलीबारी शुरू करी दित्ती, जेहदे मगरा टाक्करा भखी गेआ। तोआई खीरी रिपोर्ट थहोने तगर टाक्करा जारी हा। उआं इलाके च छप्पे दे आतंकवादिएं दी गिनतरी च फिलहाल पता नेई लग्गी सकेआ ऐ। इस बारै होर ब्यौरे गी अजे बलगेया जा करदा ऐ।



Shri Vaishno Devi Pilgrims

श्री माता वैष्णो देवी जी दी यात्रा नै इस ब'रे दे पैहले 5एं म्हीने दरान 40 लक्ख दा आंकड़ा पार करी लैता ऐ, जिसलै के शड़े मई म्हीने दरान गै माता दे दर्शन लेई औने आले दी गिनतरी 10 लक्ख कोला मती ऐ। मई म्हीने उआं हर ब'रे स्कूले च सोए दी छुट्टिएं चलदे श्रद्धालुएं दा रश बधी जंदा ऐ। शड़ा मई गै इक ऐसा म्हीना ऐ जेहदे च 10 लक्ख कोला मते यात्रु आए न, एहदे शा पैहले अप्रैल म्हीने श्री माता वैष्णो देवी जी दे दरबार च मत्था टेकने आले दी गिनतरी 10 लक्ख कोला 45 जहार घट्ट ही। जिस चाल्ली लोकें दा माता दे दरबार च औने दा रुझान चलै करदा ऐ तां ऐकती बी 2023 आंगर गै एह यात्रा 10 मीलियन यानि 1 करोड़ दे कोलकाल जां एहदे कोला पार बी जाई सकदी ऐ।

रश गी दिक्खदे होई भवन दे कन्नो—कन्नी कटरा, अद्धकुंवारी, भैरो घाटी ते कटरा थमां माता दे भवन तगर दे रस्ते पर सुरक्षा सनें लोड्चदे होर सब्बै बंदोबस्त कीते गेदे न।



Kheer Bhawani Yatra

मता क्षीर भवानी जी दा मेला इस ब'रे कश्मीर घाटी दे गांदरबल जिले दी तुलमुला थाहर औंदी 12 जून गी मनाया जाग। माता क्षीर भवानी जी दी यात्रा लेई सब्बै लोड्चदे प्रबंध कीते जा करदे न। कश्मीरी पंडत समुदाय दे सैंकड़ा बद्धे श्रद्धालु 12 जून गी एसआरटीसी दिएं बसें च सुआर होइयै जम्मू थमां कश्मीर जांगन। प्रशासन आस्सेआ श्रद्धालुएं लेई यात्रा, रौहने—बौहने ते खाने—पीने सनें होर दुए जरूरी बंदोबस्त कीते जा करदे न।



JK-WPA

जंगली जीएं—जैतुएं दी राक्खी हिफाजत सरबंधी कनून—1972 दी दफा—64 तैहत जम्मू कश्मीर सरकार दे जंगलात ते पर्यावरण मैहकमे नै जम्मू कश्मीर दे जंगली जीएं—जैतुएं दी राक्खी—हिफाजत सरबंधी नियमें—2024 गी अधिसूचित करी दित्ता ऐ। इस सरबंधे च जारी कीती गेदी अधिसूचना मूजब एह नियम समूलचे केन्द्र शासत प्रदेश च लागू होंगन। सरकारी गजट च प्रशासन दी तरीफ थमां गै जंगली जीएं—जैतुएं दी राक्खी—हिफाजत सरबंधी कनून अमल च आई जाग। एह कनून जम्मू कश्मीर वन्यजीव संरक्षण नियम—1979 दी थाहर लेई लैग। नमें कनून तैहत एह लाजमी होग जे फोटोग्राफी, सैलसफा जां कुसै होर कनूनी कम्मं लेई राष्ट्री पार्क, वन्य जीव अभ्याख्य जां रिजर्व एरियें च दाखल होने लेई चीफ वाईल्ड लाईफ वार्डन जां वाईल्ड लाईफ वार्डन जां उंदे आस्सेआ अधिकृत कुसै व्यक्ति कोला परमिट हासल करना होग। एह परमिट सरकारी शुल्क दी अदायगी पर गै जारी कीता जा करोग। जंगल इलाकें जां रिजर्व इलाकें च लोकें ते हौली गड्डिडएं दे दाखल होने दा शुल्क सरकार पास्सेआ समें—समें पर तैह कीता जा करोग। इनें इलाकें च फीचर फिल्में, दस्तावेजी फिल्में, टेलीवीजन सीरियल जां पेशेवर फोटोग्राफी लेइ इजाजत बी चीफ वाईल्ड लाईफ वार्डन हुंदे आस्सेआ तैह शुल्क दी अदायगी पर गै दित्ती जाग।

